

اصل تورک شعبه‌لری حقنده کافی درجه‌ده صلاحیتدار دکلدردر . بناءً علیه « رادولوف » ، طومسن ، لوقوق ، موللر « کیی قیمتلی تورقولوغلرک بالخاصه شوووک یکریمی سنه‌دن بری اولدجه وسعت واهمیت کسب ایدن مساعیسندن بالاستفاده ، یالکرز تورک لهجه‌لرینه طائد کلهلر حقنده تدقیقاتده بولونمق ، بدروس افندی ایچون داها دوغرو برحرکت اولوردی .

حالبوکه بدروس افندی « رادولوف » ک طوپلادیغی عظیم مساعی لسانیه، مختلف روس، ماجار، فینوا علملرینک نشریات لسانیه سنه ، « اورخون » و « طورفان - قاراخوجه » کشفیاتی نتیجه‌سنده الله ایدیلن حزان لسانیه، « مهلیورانسکی » و « هوتما » طرفندن نشر ایدیلن عصر دیده تورک لغتلیله « ابوحیان » ک اثری قیلندن منابعه وسائر بوقیل قدیم تورک وثائقنه مراجعت ایده‌جک یرده ، تورکجه ایله علاقه‌سی اولمایان لسانلردن مادهلر طوپلامغه ومثلاً حقیقی تورک کله‌لرله هیچ علاقه‌سی اولمایان لسانلرله تورکجه آراسنده مشابهلر تأسیسنه چالیشمدر . اصلاً تورکجه اولمایوب باشقا لسانلردن اقتباس ایدیلش کله‌لرک منشای حقنده تدقیقات یاپیلرکن ، بواصول فنا دکلدردر . فقط بدروس افندی‌نک یاپدیغی کبی ، تورکجه هر کله ایچون بوجنس مشابهلر آرامغه قالدیشمق ، عبثله اشتغالدر . بواثر ایچون مؤلفی چوق اوغراشمش ، اوزون سنه‌لر صرف ایتمدر ؛ لکن ساحه مساعیسنی تحدید ایتهدیکي ولسانیات علمنک ترقیات اخیره سنه بیکانه قالدیغی جهته ، بواصولسز مساعی ، مع اتأسف ، علم ایچون متمر اولمامشدر . یاریم عصرلق جدی و صمیمی بر حیات مساعینک بوالیم نتیجه‌یه منجر اولماسی ، اصولسز مساعینک نهایت افلاس ایله نتیجه‌له نه‌جکنی کوسترمک اعتباریله ، علم حیاته آتیلیمق ایسته‌ین کنجلرمنز ایچون بالخاصه عبرت آمیزدر !

کویلی زاده محمد فؤاد

رؤف بکتا : تورک موسیقیسی تاریخی . — « آ . لاوینیاق » ک اداره‌سی آلتنده یارسدم طابع « دولاغراو » طرفندن نشر ایدیلن یوبوک موسیقی آنسیقلوبه‌دینک بشنجی جلدنده ، صحیفه ۲۹۴۵ - ۳۰۶۵ ؛ ۱۹۲۳

ملی تاریخمیزک اک مهم و شبه‌سز اک مجهول شعبه‌لرندن بری اولان موسیقی تاریخمیز موضوع بحث اولنجه ، رؤف بکتا بکی خاطر لامامق قابل دکلدردر . ربیع عصری متجاوز ووزون برزماندن بری تورک موسیقیسنی تدقیق وایضاحه حصر حیات ایدهن بوقمتملی متخصص ،

اخیراً، بوتون تدقیقاتک بر زبده‌سی اولق اوزره ، تورک موسیقیسنه دائر یکی وطوپلو بر اثر نشر ایتدی که، مختلف نقاط نظر دن شایان اهمیتدر. اولاً، بو مهم موضوعه دائر شرق و غربده شیمدی‌یه قدر بو درجه اطرافلی، عمومی ومدتقانه هیچ بر اثر یازیلماشدر. ثانیاً، بومقاله‌نک، طابع «دولاغراو» ک اوزون سنه لردن بری برچوق متخصصلرک مشترک فعالیت و همتیاه وجوده کتیرمکه چالیشدیغی بویوک «موسیقی آنسیقلوپه‌دیسی» کی بین‌المللی قیمتی حائز یک مهم برکلیات ایچنده نشر ایدیله‌سی، یالکز محرر فاضل ایچون دکل بوتون تورک ملتی ایچون موجب شرفدر .

ایچه حرفلره دیزلیش بویوک حمده وهر صحیفه‌سی ایکی سستونه منقسم بولونان آنسیقلوپه‌دینک « ۲۹۴۵ الی ۳۰۶۵ » صحیفه‌لرینی اشغال ایدن بو تورک موسیقیسی فصلی، ماهیتی اعتباریله، قلاسیق تورک موسیقیسی حقنده کی بوتون معلوماتی خلاصه احتوا ایتمکده در. بو جنس عمومی و ترکیبی اثرلرده ، وضوحی غیب ایتمکسزین خلاصه یاپه بیلمه‌نک مشکلاتی بالنفس تجربه ایدنلر ، محررک بو خلاصه‌یی وجوده کتیره بیلمک ایچون نه قدر یورولدیغی قولایجه تسلیم ایدرلر . بلا تردد ادعا ایده بیلیرزکه ، محرر بو کنیش موضوعی اوپله یوز یکریمی، یوز اوتوز صحیفه‌یه صیقیشدیرمق ضرورتنده اولمایوبده، مثلاً درت بش یوز صحیفه‌ده موضوعنی طوبلاسه‌یدی ، کندیمی ایچون البته داها قولای اولوردی . رؤف یکتا بک ، تورک موسیقیسنک مستند اولدیغی پره‌نسیپلرک ایضاحنه کیرمه‌دن اول، موضوعی داها زیاده تنویر ایچون ، شیمدی‌یه قدر بو موسیقی حقنده غرب مؤلفلری طرفندن ایلری سورولش بعضی نظریه‌لری تنقید ایله ایشه باشلايور ؛ وینه عینی مقصدله، بو مسئله‌یه عائد بعضی جهتلرک تنویرینی ضروری کورسور . بناءً علیه ایلك باب « شرق و غرب موسیقیلری » آراسنده کی فرقلردن باحثدر . ایکنجی باب « شرق موسیقیسی دیندیکی زمان هانکی موسیقی آکلاشیلمالیدر » عنوانی آلتنده بو موسیقینک ماهیتندن ، اشغال ایتدیکی ساحه‌لردن ، استناد ایتدیکی نظریه‌لردن بحث ایدیور ؛ مؤلفه کوره شرق موسیقیسی دین بو « یک صدا » موسیقی ، یالکز عربلرک ، عجملرک ، تورکلرک دکل ، هندیلرک وبلکه‌ده چینیلرک موسیقیسنده احتوا ایتمکده در . اوچنچی باب « مختلف شرق قوملرینک موسیقی نظریه‌لری آراسنده فرق » اولوب اولمادیغی اوزون اوزون تدقیق ایله اولمادیغی نتیجه‌سنی استنباط ایدیور . بو ایضاحات متقدمه‌یی متعاقب، مؤلف، دردیجی ابده « شرق و غرب

موسیقیلری آراسنده حقیقه بر فرق وارمیدر ، یوقیدر « مسئله سنی تعمیق ایتمکده و «مهلودی» اعتباریله شرق و غرب موسیقیلری آراسنده هیچ برفرق بولونمادیفی نتیجه سینه وارمقده در . « شرقیلرک منشأ موسیقی حقنده کی فکرلریله بونک تاریخچه سندن و بو صنعتک منشأ مشترکی حقنده بعض ملاحظاتدن » باحث بولونان بشتنجی بابی متعاقب ، تورکلر آراسنده موسیقینک تاریخندن بحث ایدن مهم بر باب کلیورکه ، بو باده پک مهم ملاحظات تاریخیه و بالخاصه غایت زنکین کتابیات معلوماتی موجوددر . ایلك قسمک صوک پارچه سنی تشکیل ایدن یدنجی باده ، تورکلرک کندی موسیقی نظریه لری حقنده کی معلومات موجوده لری خلاصه اولونمشدر .

بر مورخ ایچون شهبه سز داهاز یاده حائز اهمیت اولان بویلك فصلی متعاقب « تورک موسیقینک نظریه سی حقنده کوچوک بر تجربه » عنوان متواضعانه سی آلتنده ، دوغرودن دوغرویوه ارباب موسیقی بی علاقه دار ایده جک « ته فنیق » قسم کلیور . موسیقی متوغلرینه بو خصوصده بر فکر ویرمک ایچون ، ساده جه بوراده کی داهلرک اسملرینی نقل ایله اکتفا ایده جکم :

۱ - تورک غامی ، ۲ - نوع ، ۳ - درتلك و بشلکلرک صوتی شکلری ، ۴ - تورک « مقام » لرینک تشکلاتی ، ۵ - تورک مقاماتنک تطبیقاتی ، ۶ - تورکلرک اسکی و بیکی موسیقی آلتلری ، ۷ - تورک موسیقینک « اصول » لری ، ۸ - شرق مقاماتنک « آرمونیزاسیون » ی .

مؤلفک اولدجه مفصل بر طرزده ایضاح ایتدیکی بوتون بو مسائل موسیقیه نك داهها قولای آ کلاشیلمه سی ایچون ، بر چوق نمونه لر ذکر ایدیلش ، متن آراسنه نوطه لر و شکلر علاوه اولونمشدر . موسیقی به مع التأسف تمامیله بیگانه اولدیغجه تله ، بو قسملرک قیمت و اهمیت و « رؤف یکتا » بکک بعض شخصی نظریه لری حقنده هیچ برفکریم اولاماز ؛ علاقه دار اولانلر ، او مسائلی کندی آرالرنده حل ایده بیلرلر . یالکز شرق ، موسیقینک بوتون تفرعاتنه واقف اولدینی کی غرب موسیقینده اصلا بیگانه بولو نمایان « رؤف یکتا » بک کی دکرلی بر متخصصک ، بوتون بومسائلده اک چوق صاحب صلاحیت آدامز اولدینی شهبه سزدر . یالکز شرق موسیقینسی ، یاخود ساده جه غرب موسیقینسی تدقیق ایله اکتفا ایده نلر ، هر ایکی جنس معلوماته محتاج اولان مسئله لرده اعطای حکمده اصلا صلاحیتدار

اولاملار . تورک موسیقیسنک هیئت عمومی سی حقنده مجمل ، فقط پک مهم و قیمتلی معلوماتی احتوا ایدن بواثر ، ساده موسیقی متوغلرینه دکل ، ملی حرثه بیکانه قالمق ایسته مه من هر تورک متفکرینه لازمدر . محترم مؤلفه اکسمیمی تبریک وتشکر لری میز ی تقدیم ایدرکن ، بعضی تمیئاته بولونه جم : تورک موسیقیسی ، «رؤف یکتا» پکک همز دن داها ای بیلدک لری وجهله ، ساده عرب وعجم لردن آلدیغمز قلاسیق موسیقیدن عبارت دکلدن . اسکی قلاسیق ادبیاتمزک خارجنده ناصل بر « خلق ادبیاتی » موجود ایسه ، آریجه ، برده خلق موسیقیمزک موجودتی طبعیدر . ایشنه ، یلکز آناتولی وروم ایلینک دکل ، قریمک ، قافقاسک ، وولغا بویلرینک ، ورکستانک ، قیرغیز استه پلرینک ، آلتایک ، خلاصه بوکون تورک شعبه لریه مسکون بوتون ساحه لرک خلق موسیقیسی ضبط وثبتیت و تدقیق اولونسه ، تورک روحنک موسیقیده ناصل بر شخصیت کوستردیکی وعصر لردن بری نه کبی تحولانه اوغرا دینی آ کلاشیلردی . شیمدی یه قدر یاپه بیلدیکم تاریخی تدقیقات ، تورک لرک داها قبل الاسلام زمانلردن باشلا یه رق ، پک زنگین بر خلق موسیقیلری اولدیغنی ، حتی «ارمنیلر ، ماجارلر ، جنوب اسلاولری» کبی بعض اقوام اوزرنده موسیقیمزک - داها عصر لریجه اول - اجرای تاثیر ایتدیکنی میدان بداهته قویمشدن . تورک لرک خلق ادبیاتی حقنده یاپیلایلین بر تدقیق ، ملی تورک موسیقیسی ایچون نه یه قابل اولماسون ؟ بالخاصه روسیه داخندنه کی تورکلردن مهم بر قسمنک خلق موسیقیسی حقنده روسلر طرفندن ایچه تدقیقات یاپیلمش یاپیلمه قده در ؛ مثلاً ، ۱۸۹۷ ده «ریباقوف» ک پترسبورغ علوم آقاده میسی طرفندن « اورال مسلمانلرینک موسیقی وشرقیلری» حقنده نشر ایدیلش اوچوز اوتوز صحیفه لک بویوک بر اثر واردرکه ، مؤلف اثرینک صوکنده ، کندیسندن اول تورک موسیقیسی حقنده یاپیلمش قرق اللی اثر دن بحث ایدر . ایشته «رؤف یکتا» بک ، ناقابل انکار صلاحیت علمیه سیله ، بر آزده تورکلرک شو مجهول خلق موسیقیسی حقنده بز ی ارشاد وتنویر ایتسه وایچنده بوتون تورک شعبه لرینک خلق موسیقیلرینه ده بر موقع آریلش مفصل بر « تورک موسیقیسی تاریخی » وجوده کتیرسه ، ملی حرثم ایچون نه قدر قیمتلی بر رهبره مالک اولوردق !

کوبی بی زاده محمد فؤاد